

**2.320/2019 EBAZPENA, 2019ko azaroaren 8koa**, Nafarroako Unibertsitate Publikoko Ikerketako errektoreordeak emana, zeinaren bidez onesten baita 2019-2020 ikasturterako deialdia Nafarroako Unibertsitate Publikoko Ingeniaritzaren eta Enpresaren Katedraren esparruan master amaierako lanak egingo dituzten ikasleak hautatzeko.

Nafarroako Unibertsitate Publikoko Ingeniaritzaren eta Enpresaren Katedraren Jarraipen Batzordeak, 2019ko urriaren 9n egindako bileran, erabaki zuen 2019-2020 ikasturtean matrikulatutako Nafarroako Unibertsitate Publikoko masterreko ikasleak hautatzeko deialdia onestea, master amaierako lanak egin ditzaten.

Ikusirik Unibertsitateko Aholkularitza Juridikoak egin duen txostena.

Ikusirik Kontabilitate Atalak egin duen txostena.

Ikusirik Kontabilitate Atalak egin duen kreditu erreserbaren ziurtagiria.

Ikusirik Nafarroako Unibertsitate Publikoko Ingeniaritzaren eta Enpresaren Katedrak egin duen proposamena.

Kontuak ikuskaturik eta aldeko fiskalizazioa eginik.

Nafarroako Unibertsitate Publikoko errektoreak 2019ko uztailaren 3an emandako 1420/2019 Ebazpenaren bidez ematen dizkidan eskudantziak erabiliz.

## **EBATZI DUT**

Lehenbizikoa.- 2019-2020 ikasturterako deialdia onestea Nafarroako Unibertsitate Publikoko Ingeniaritzaren eta Enpresaren Katedraren esparruan master amaierako lanak egingo dituzten ikasleak hautatzeko, ebazpen honen eranskinean dauden oinarrien arabera.

Bigarrena.- Deialdi honek sortutako gastua baimentzea, gehienez ere 14350 eurokoa, Nafarroako Unibertsitate Publikoko Ingeniaritzaren eta Enpresaren Katedraren esparruan master amaierako lanak egiteko hautatuko dituzten Nafarroako Unibertsitate Publikoko ikasleentzako istripu aseguru harpidetzeari eta beka dagokiona.

Sorturiko gastua Nafarroako Unibertsitate Publikoak 2020ko ekitaldirako duen Gastuen Aurrekontuetako partidaren kargura ordainduko da.

3031058417 - 228.15.09 Beste gastu batzuk	300,00 euro
480.24 Bekak	14.050,00 euro

Hirugarrena.- Master amaierako lanak egiteko zuzkidura ekonomikoaren zenbatekoa eta ordainketak egiteko modua ebazpen honi erantsitako deialdiaren 2.4 puntuan daude ezarrita.

Laugarrena.- Ebazpen hau Ingeniaritzaren eta Enpresaren Katedrari, Aurrekontuen eta Plangintza Ekonomikoaren Atalari, Kontabilitate Atalari, Jakintza Transferitzeko Atalari, Ikerketako errektoreordeari eta Kontu-hartzailezari aditzera ematea.

Bosgarrena.- Agindua ematea deialdi hau argitaratzeko Nafarroako Unibertsitate Publikoko Ingeniaritzaren eta Enpresaren Katedraren webgunean eta Nafarroako Unibertsitate Publikoaren egoitza elektronikoan.

Seigarrena.- Ebazpen honek administrazio bidea agortzen du, eta haren aurka zilegi da berraztertze errekurtsoa jartzea errektorearen aurrean hilabeteko epean, argitaratu eta biharamunetik kontaktzen hasita, edo administrazioarekiko auzi-errekurtsoa Nafarroako administrazioarekiko Auzietako Epaitegian bi hilabeteko epean, hura argitaratu eta biharamunetik kontaktzen hasita.

Iruñean, 2019ko azaroaren 8an

Francisco J. Arregui San Martín  
Ikerketako errektoreordea

## 2019-2020 ikasturterako deialdia Nafarroako Unibertsitate Publikoko Ingeniaritzaren eta Enpresaren Katedraren esparruan master amaierako lanak egingo dituzten ikasleak hautatzeko.

Deialdi hau Nafarroako Unibertsitate Publikoaren eta Nafarroako Industria Ingeniariei Elkargo Ofizialaren eta Nafarroako Industria Fundazioaren artean "Nafarroako Unibertsitate Publikoko Ingeniaritzaren eta Enpresaren Katedra" sortzeko 2019ko ekainaren 27an sinatutako lankidetzaren hitzarmenaren barruan kokatzen da.

Hitzarmen horrek berekin dakar baterako jarduerak garatzea, eta horien artean dago master amaierako lanak egiten laguntzea, Ingeniaritzaren eta Enpresaren Katedrak estalitako jardueraren eremuan; puntu horretan dago hautaketa-deialdi honen izateko arrazoia.

### 1. - Deialdiaren xedea eta modalitateak

1.1. Deialdi honen xedea da Nafarroako Unibertsitate Publikoko ikasleak hautatzea Nafarroako Unibertsitate Publikoan master amaierako lanak egiteko, Ingeniaritzaren eta Enpresaren Katedrak barne hartzen duen jardueraren eremuan.

1.2. Deialdi honetako master amaierako lanek lan hori proposatu duen erakundeko teknikari bat eta Nafarroako Unibertsitate Publikoko tutore bat izango dituzte lanaren zuzendaritzaz eta jarraipenez arduratuko diren tutore prestatzaile gisa.

1.3. Deialdi honen I. eranskinean adierazten dira deitutako master amaierako lan bakoitza eskatu ahal izateko baldintza zehatzak.

Eskatutako titulazioei dagokienez, eranskin horretan bertan adierazten da zein masterretara zuzentzen den master amaierako lan bakoitza.

Deialdi honen 5.3 apartatuan zehazten da nola egingo den eskaeren baremazioa.

### 2. - Master amaierako lanen kopurua eta ezaugarriak

2.1. 2019-2020 ikasturterako, gehienez ere master amaierako 3 lan egiteko deialdia egin da. Deialdi honen I. eranskinean zehazten dira lan horietarako baldintza espezifikoak.

2.2. Master amaierako lan bakoitzak lana proposatu duen erakundeko tutore prestatzaile bat eta Unibertsitateko tutore bat izango ditu, I. eranskinean zehazten den bezala.

2.3. Lanaldi osoko lanak eginez gero, bost hilabetekoa izango da master amaierako lanen iraupena (2020ko otsailetik 2020ko ekainera arte), eta lanaldi partzialeko lana eginez gero, 10 hilabetekoa (2020ko otsailetik 2020ko azarora arte). Kasu horretan, master amaierako lana eta masterrari dagozkion irakasgaiak bateragarriak izan daitezke.

Zilegi da lanak hasteko data aldatzea, betiere enpresaren, master amaierako lanaren bi tutoreen, hautatutako ikaslearen eta Katedraren zuzendaritzaren oniritziarekin.

Salbuespen gisa, Katedraren Zuzendaritzak, txosten arrazoitu baten bidez, betebeharrak akademikoak betetzeko epea luzatu edo murriztu ahal izango du (master amaierako lanaren defentsa eta onarpena), interesdunak alde aurretik eskatuta. Luzatzeko edo murrizteko

baimenean, betebeharrak akademikoak betetzeko azken eguna zehaztu da, eta interesdunari eta tutoreei jakinaraziko zaie.

2.4. Master Amaierako Lanak egiteko hautatutako ikasleek Nafarroako Unibertsitate Publikoko Ingeniaritzaren eta Enpresaren Katedraren zuzkidera ekonomikoa jasoko dute.

Zuzkidera ekonomikoaren zenbatekoa PFEZtik salbuetsita egongo da, Pertsona Fisikoen Errentaren gaineko Zergari buruzko Foru Legearen Testu Bateginaren 7. h) artikulua araberak.

Master amaierako lan bakoitza egiteko zuzkidera ekonomikoa deialdi honen I. eranskinean zehazten da.

Ordainketak bi epetan egingo dira: lehenengo ordainketa, zenbatekoaren erdia, lana egiteko aldiaren erdian egingo da ahal dela, betiere master amaierako lanaren tutoreak ez badu egiten helburuak betetzeari buruzko txosten negatiborik; eta bigarren ordainketa, aurrekoaren zenbateko berekoa, baldin eta ezarritako epea amaitu aurretik master amaierako lana onartzen bada eta deialdi honetarako indarrean dagoen bateraezintasunen araubidea eta aplikatzekoa zaion araudia betetzen badira.

### 3. - Ikasleak hautatzeko deialdian parte hartzeko baldintzak

3.1. 2019-2020 ikasturtean Nafarroako Unibertsitate Publikoan matrikulatuta dauden ikasleek izango dute Master amaierako lanak egiteko aukera, betiere I. eranskinean horietako bakoitzerako zehazten diren baldintzak betetzen badituzte.

3.2. Baldintzak betetzen dituzten ikasleek master amaierako lan bat baino gehiago eskatu ahal izango dute, horietako bakoitzak profil jakin bat eskatzen baitu, baina ezinbestekoa izango da lehentasun-ordena adieraztea, gehienez ere 3. Hasierako esleipena egin eta gero, lan hutsik geratzen bada, Katedrako Zuzendaritzak lan baterako hautatu ez diren ikasleei eskaini ahal izango dizkie, betiere master amaierako lan bakoitzerako eskatzen diren baldintzak betetzen badituzte.

3.3. Oro har, eskabideak aurkezteko epea amaitzen den egunean bete beharko dira eskatutako baldintzak, master amaierako laneko matrikula izan ezik, hori Unibertsitateak berak finkatuko baitu; nolahi ere, master amaierako lana ezarritako epearen barruan egiteko betebeharrak betetzea ahalbidetu behar du.

3.4. Deialdi honetan parte hartzea borondatezkoa da. Deialdian parte hartzen duenak baldintza guztiak onartzen dituela ulertuko da. Aurkezten den dokumentazioan datu faltsurik bada, eskaera ez da onartuko, edo beka bertan behera geldituko da, baldin eta ordurako emanda badago.

### 4. - Eskabideen aurkezpena

4.1. Parte hartzeko eskabideak eta dokumentazioa Nafarroako Unibertsitate Publikoaren Iruñeko Erregistro Orokorrean, Nafarroako Unibertsitate Publikoak Tuteran duen Erregistroan, edo, bestela, Administrazio Publikoaren Administrazio Prozedura Erkideari buruzko 2015eko urriaren 1eko 39/2015 Legearen 16. artikuluan ezarritako tokietako batean aurkeztuko dira.

4.2. Eskabideak aurkezteko epea Nafarroako Unibertsitate Publikoaren Ingeniaritzaren eta Enpresaren Katedraren webgunean deialdia argitaratu eta hurrengo egunetik 2019ko azaroaren 18ra arteko izango da, egun hori barne.

Eskaerak aurkezteko epea ezin izango da luzatu.

#### 4.3. Dokumentu hauek aurkeztu behar dira:

1. Inprimaki normalizatua, beteta. Esteka honetan dago eskuragarri: <https://bit.ly/2CzDDuV> Bertan adieraziko da zer master amaierako lan aukeratu diren (gehienez 3), eta lehentasun-ordena, bat baino gehiago eskatuz gero. Halaber, adieraziko da ea baimena ematen zaion Nafarroako Unibertsitate Publikoari bere curriculum vitae Ingeniaritzaren eta Enpresaren Katedrako enpresei bidaltzeko, baldin eta, deialdia egin ondorengo hiru urteetan, hala eskatzen badute.
2. Unibertsitateko ikasketen ziurtagiria, lortutako kalifikazioekin, etendako edo aurkeztu gabeko azterketa-deialdiak barne, masterrean sartzeko erabili zen aurretiko titulazioari buruzkoa. Ikasketak Nafarroako Unibertsitate Publikoan egin dituztenak salbuetsita daude ziurtagiria aurkeztetik.
3. Curriculum vitae eta aurkezten dituen merezimenduen egiaztagiriak. Ez da aurkeztu beharko dokumentazioaren kopia konpultsaturik. Agiriz egiaztatutako merezimenduak balioetsiko dira, eta ez besterik.

Behar bezala eta epean aurkeztutako dokumentazioa bakarrik hartuko da kontuan onartutako eskabideak barematzeko. Balorazio Batzordeak egingo du baremazio hori, eta Nafarroako Unibertsitate Publikoko eta master amaierako lanak eskaintzen dituzten enpresetako ordezkariak osatuko dute.

Balorazio Batzordeak informazio gehigarria eskatuko du, beharrezkotzat jotzen badu, aukeratzeko proposamena egiteko.

#### 5. - Eskaeren tramitazioa eta balioespena

5.1. Eskaerak aurkezteko epea amaitu eta gero, eskatutako master amaierako lanerako ezarritako betekizunetakoren bat ez frogatzeagatik edo eskatutako dokumentazioa ez aurkezteagatik baztertutako eskatzaileen eta tramitera onartutakoen behin-behineko zerrenda argitaratuko da. Eskatzaile horiei 5 eguneko epea emango zaie, behin-behineko zerrenda argitaratu eta biharamunetik kontaktzen hasita, dagokion dokumentazioan atzemandako gabeziak konpon ditzaten. Ezarritako epean egin ezean, eskaera ezin izango da tramitera onartu. Epe horretan ezin izango da aurkeztu aurreko 3. puntuari dagokion dokumentazioa, baizik eta deialdian sartzeko eskatzen dena bakarrik.

5.2. Aurkeztutako erreklamazioak ebatzi ondoren, Ingeniaritzaren eta Enpresaren Katedraren Balorazio Batzordeak Unibertsitateko Ikerketako errektoreordeari bidaliko dio baztertutako eta tramitera onartutako eskaeren behin betiko zerrenda, ebazpen baten bidez onetsi dezan, eta ondoren jendaurrean jarriko da hamar eguneko epean gehienez ere, deialdi honen 7. oinarrian ezarritako lekuetan.

Tramitera onartutako eta baztertutako eskaeren behin betiko zerrenda ezartzen duen ebazpenaren aurka, zilegi da aukerako berraztertze errekurtsoa jartzea errektorearen aurrean, hilabeteko epean, argitaratu eta biharamunetik kontaktzen hasita, edo administrazioarekiko auzi-errekurtsoa Nafarroako administrazioarekiko Auzietako Epaitegian, bi hilabeteko epean argitaratu eta biharamunetik kontaktzen hasita.

5.3. Eskaerak ebaluatzeko, Katedraren Balorazio Batzordeak irizpide hauei jarraituko die:

1. Master amaierako lan bakoitzerako eskatzen den masterrean sartzeko erabili zen titulazioaren espediente akademikoa: 40 puntu gehienez ere.

Matrikulatuta dagoen masterrean sartzeko eskatzaileak erabili zuen titulazioko espedientearen batezbesteko aritmetikoa kalkulatu da, irakasgai bakoitzaren kreditu-kopuruaren arabera ponderatua, irakasgai agertzen diren zenbakizko kalifikazioen arabera, gehienez ere 10 punturekin. Batezbesteko aritmetiko ponderatua kalkulatzeko, hautagaia aurkeztu den deialdi guztiak hartuko dira kontuan, lortutako kalifikazioa edozein dela ere. Azken kalifikazioa 4z biderkatuko da.

Eskatzaileak ez badu espedientea aurkezten gainditu gabeko eta aurkeztu gabeko irakasgaiekin, gainerako eskatzaileen batez besteko notarik baxuena esleituko zaio.

2. Ingelesa jakitea: 10 puntu gehienez ere.

Ingelesa jakitea honela balioetsiko da: 5 puntu B2 maila, eta 10 puntu C1 maila edo hortik gorakoa.

3. Master amaierako lanean egin beharreko jarduerekin lotutako programa informatikoak ezagutzea: 20 puntu gehienez ere, programa horien ezagutza mailaren arabera.

4. Master amaierako lanerako lehentasun-ordena, izangaiak adierazia eta eskabidean islatua. 5, 3 eta 1 puntu emango dira, hurrenez hurren, master amaierako lana lehen, bigarren edo hirugarren lehentasun-ordenan eskatzeagatik.

5. Izangaiarekiko elkarrizketa: 25 puntu gehienez ere. Master amaierako lanak egiteko aukera eskaintzen duten enpresen Giza Baliabideen Zerbitzuen bidez egingo dira elkarrizketak.

Merezimendu guztiak agirien bidez egiaztatuko dira.

Hautapen prozesuaren azken emaitzan gerta daitezkeen berdinketak elkarrizketan puntuazio handiena atera dutenen alde ebatziko dira.

5.4. Balorazio Batzordeak egindako ebaluazio-txostenean, eskatzaile bakoitzak lortutako puntuazioa zehaztuko da, eta, eskatzailearen batek ez badu betetzen master amaierako lanerako eskatzen den masterraren baldintza, hori ere adieraziko da.

Ebaluazio-txostena egiteko, Balorazio Batzordeak, beharrezkotzat jotzen duen kasuetan, informazio gehiago edo egoki irizitako azalpenak eskatu ahal izango ditu eskatzaileek aurkeztutako balioetsi beharreko dokumentazioari buruz.

Eskatzaile bakoitzaren ebaluazio-txostenetan oinarrituta, eskainitako master amaierako lan bakoitzerako aurkeztutako eskabideen zerrenda lehenetsia egin beharko du Balorazio Batzordeak.

5.5. Katedraren Jarraipen Batzordeak izendatu duen Balorazio Batzordeak behin-behinean hautatu diren ikasleen zerrenda onartu eta argitaratuko du, lortutako puntuazioa eta

eskatzaileek egindako eskaeren zerrenda lehenetsia kontuan hartuta. Argitalpen horretan, proposamena onartu edo baztertzeko bilera baterako data, ordua eta lekua adieraziko dira. Bilera hori behin-behineko zerrenda argitaratu eta bi egunera izango da, eta aukera egongo da bai norbera bilerara joateko, bai bitarteko birtualen bidez parte hartzeko eta bai beste norbaitengan eskuordetzeko. Bilera horretara ez aurkezteak bekari uko egitea ekarriko du.

Bileraren ondoren, aukeratutako ikasleen zerrenda argitaratzeko aginduko du Balorazio Batzordeak, eta 5 eguneko epea ezarriko du zerrenda argitaratu eta biharamunetik hasita erreklamazioak egiteko.

5.6. Erreklamazioak ebatzi eta gero, Balorazio Batzordeak Unibertsitateko Ikerketako errektoreordeari bidaliko dio aukeratutako ikasleen behin betiko zerrenda ebazpen baten bidez onetsi dezan, eta, erreklamazioak ebatzi ondoren, hamar eguneko epean gehienez jarriko da jendaurrean, deialdi honen 7. oinarrian adierazten diren lekuetan. Behin betiko zerrenda horretan ez dauden eskaerei ezezkoa eman zaiela ulertuko da.

5.7. Aukeratutako ikasleen behin betiko zerrenda ezartzen duen ebazpenaren aurka, zilegi da aukerako berraztertzeko errekurtsioa jartzea errektorearen aurrean, hilabeteko epean, argitaratu eta biharamunetik kontatzen hasita, edo administrazioarekiko auzi-errekurtsioa Nafarroako administrazioarekiko Auzietako Epaitegian, bi hilabeteko epean, argitaratu eta biharamunetik kontatzen hasita.

## 6. - Master amaierako lanak garatzeko baldintzak eta aukeratutako ikasleen betebeharrak

6.1.- Eskainitako master amaierako lanen garapena bateraezina izango da hautatutako pertsonak ezarritako edozein kontratu-harremanekin, bai eta pertsona edo erakunde publiko edo pribatuetan praktikak egitearekin ere (Nafarroako Unibertsitate Publikoa barne).

Hala ere, Ingeniaritzaren eta Enpresaren Katedraren Zuzendaritzak baimena eman ahal izango du jarduera jakin batzuk bateragarriak izan daitezen master amaierako lanak garatzearekin eta dagokion zuzkidura ekonomikoa jasotzearekin. Horretarako, beharrezkoa izango da master amaierako lana proposatu duen erakundearen eta tartean dauden tutoreen alde aurreko oniritzia.

6.2. Deialdi honetan jasotzen diren master amaierako lanek ez dute inolaz ere konpromisorik ezartzen onuradunak gerora Nafarroako Unibertsitate Publikoko plantillan edo master amaierako lanak egiten diren enpresen plantillan sartzeko, ez eta Ingeniaritzaren eta Enpresaren Katedraren barneko entitateen plantillan ere.

6.3. Ikerketa Zerbitzuak aseguru bat formalizatuko du master amaierako lana egin bitartean hautatutako ikasle bakoitzarentzat. Aseguru hori Ingeniaritzaren eta Enpresaren Katedrak ordainduko du.

6.4. Master amaierako lanak lan horiek eskaini dituzten enpresek horretarako prestatutako espazioetan egingo dira.

6.5. Nafarroako Unibertsitate Publikoko Ingeniaritzaren eta Enpresaren Katedra sortzeko hitzarmenean ezarritako terminoekin eta baldintzekin bat etorri, hautatutako ikasleek deialdi honen xede diren master amaierako lanak proposatu dituzten erakundeei lagatzen dizkiete

beren ikerketa-jardueraren ondorioz sortzen dituzten emaitzen gainean dagozkien eskubide guztiak.

Halaber, Ingeniaritzaren eta Enpresaren Katedra sortzeko aipatutako lankidetzaz hitzarmenarekin bat etorritik, master amaierako lanak egingo direla onartzeak haiei dagozkien lanak egitean lortutako informazio guztia isilpean gordetzeko betebeharra dakar.

Puntu honetan ezarritakoa alde batera utzi gabe, une oro errespetatuko da hautatutako ikasleek sor daitezkeen argitalpenetan egile gisa aipatuak izateko duten eskubide morala, edo eskatutako jabetza industrialeko tituluetan asmatzaile gisa aipatuak izateko duten eskubide morala.

6.6. Hautatutako ikasleek "Nafarroako Unibertsitate Publikoko Ingeniaritzaren eta Enpresa"ren Katedraren aipamena jaso beharko dute master amaierako lanak egin bitartean egindako ikerketa-jardueren ondoriozko argitalpen edo bestelako emaitza guztietan.

6.7. Deialdi hau arautzen duten betebeharrak eta aplikatu beharreko araudia ez betetzeak ikaslea aukeratua izan den master amaierako lanetik baztertzea ekarriko du, eta, bidezkoa bada, behar izan gabe jasotako diru kopuruak itzultzea, dirulaguntzak emateko, kudeatzeko eta kontrolatzeko araubide orokorra arautzen duen 2005eko azaroaren 9ko 11/2005 Foru Legean ezarritakoarekin bat etorritik.

6.8. Aukeratutako ikasleek eta beren tutoreek Ingeniaritzaren eta Enpresaren Katedraren Jarraipen Batzordera bidali beharko dituzte eskatzen zaizkien txostenak.

Txosten horien aurkako ebaluazioa egiten bada, ikasle aukeratua master amaierako lanetik baztertuko dute, eta, bidezkoa bada, behar izan gabe hartutako diru-kopuruak itzuliko ditu.

6.9. Hautatuak izan eta gero master amaierako lana egiteari uko egiten diotenek Ingeniaritzaren eta Enpresaren Katedraren Zuzendaritzari aurkeztu beharko diote uko egiteko eskaera arrazoitua. Hautaketa egin eta hurrengo hiru hilabeteetan izandako bajak baino ez dira ordeztuko. Uko egin zaion master amaierako lanaren eskatzaileen artean ezarritako lehentasun-hurrenkeraren arabera aukeratuko dira ordeztukoak. Salbuespen gisa, hautaketatik laugarren hilabetearen barruan izandako bajak ordeztuko dira, ordezkoen lehentasun-hurrenkera errespetatuz, betiere tutoreen oniritzia badute. Kasu horretan, bermatu beharko da bete egingo dela deitutako masterraren amaierako lanaren xedea, hura garatzeko ezartzen den denboran.

## 7. - Ikasleak aukeratzeko deialdiaren iragarpena.

Deialdi hau, beraz aplikatzeko gainerako ekintzekin batera, Ingeniaritzaren eta Enpresaren Katedraren webgunean eta Nafarroako Unibertsitate Publikoaren egoitza elektronikoan argitaratuko da.

## 8. - Datuen babesa

Nafarroako Unibertsitate Publikoak du deialdi honetan parte hartzen duten interesdunen datu pertsonalak tratatzeko ardura. Tratamenduaren xede diren datuak hauek dira: identitatea (izen-deiturak eta NANA), harremanetarako datuak eta helbidea, datu akademikoak (lortutako titulazioa eta MALari buruzko informazioa), prestakuntzari buruzko beste datu batzuk (hizkuntzak) eta, laguntza ekonomikoren bat jasoz gero, kontu korrontea edo beharrezko banku-datuak. Parte-hartzaileen datuak tratatzea datu horiek deialdia izapidetzeko erregistratzea, artxibatzea eta ebaluatzea da, bai eta emaitzak deialdian adierazitako webguneetan argitaratzea ere. Hori interes publikoko helburu bat da, master amaierako lanen



kalitatea eta ikerketa sustatzea xede duena, Unibertsitatei buruzko 2001eko abenduaren 21eko 6/2001 Lege Organikoaren 37. eta 39. artikuluen eta Datuak Babesteko Erregelamendu Orokorraren 6.1.e) artikuluen arabera. Interesdunek DBEOren 12. artikuluan eta hurrengoetan ezartzen diren eskubideak baliatu ahal izango dituzte [delegado.protecciondatos@unavarra.es](mailto:delegado.protecciondatos@unavarra.es) helbide elektronikora idatziz.

#### 9. - Errekurtsoak

Deialdi honen eta bere oinarrien aurka, zilegi da berraztertzeko errekurtsoa jartzea errektorearen aurrean hilabeteko epean, Nafarroako Unibertsitate Publikoaren Ingeniaritzaren eta Enpresaren Katedraren webgunean argitaratu eta biharamunetik kontaktzen hasita, edo administrazioarekiko auzi-errekurtsoa Nafarroako administrazioarekiko Auzietako Epaitegian bi hilabeteko epean, Nafarroako Unibertsitate Publikoaren Ingeniaritzaren eta Enpresaren Katedraren webgunean argitaratu eta biharamunetik kontaktzen hasita.

**I. Eranskina -Irizpide espezifikoak eskainitako master amaierako lan bakoitzerako**

ENPRESA	Eskainitako ikaspostuak	Proiektuaren izenburua	Lekua	Eskatutako titulazioa	Enpresako tutorea (izena eta helbide elektronikoa)	Laguntzaren zenbatekoa
<b>EXKAL</b>	<b>1</b>	Eraldaketa digitaleko proiektuak ezartzea bere aplikazio eremuetan (Digitalizazioa/Prozesuen automatizazioa, Big Data bezalako teknologiak aplikatzea, IoT, AAKo proiektuak, Machine Learning, Serbitizazioa...)	Martzilla	Masterra Ingeniaritza Informatikoan Masterra Industria Ingeniaritzan Masterra Telekomunikazio Ingeniaritzan	Guillermo López: guillermo.lopez@exalsa.com	4.500
<b>LIZARTE</b>	<b>1</b>	Enbalajeen eta merkaturatutako produktuen kostuaren etengabeko hobekuntza ezartzea zentroan	Iruñea	Masterra Industria Ingeniaritzan (Antolaketa)	Rafael Claveria: rclaveria@lizarte.com	3.250
<b>VISCOFAN</b>	<b>1</b>	Viscofan taldeko plangintza eta sekuentziazio ereduak aztertzea. Ingurune global batean hobetzeko proposamenak.	Taxoare	Masterra Industria Ingeniaritzan (Antolaketa) Masterra Telekomunikazio Ingeniaritzan Masterra Ingeniaritza Informatikoan	Fernando Villa: VillaF@viscofan.com	1.800